

#### Na den tumen andre škola te odmarel!

### Tumare čhavores hin čačipen pro sikhadipen.

- Phenen jon tumenge, hoj vaš tumaro čhavoro imar nane than andre školka abo škola, ale tumen džanen, hoj jon gadžikane rakloren tumare pašalipnastar len?
- Jon tumen phenen, hoj našťi len tumare čhavores andre škoľka abo škola, bo tumaro čhavoro bi na achaľolas peske le gadžikane raklorenca?
- Koškeren the keren aver čhavore abo raklore andre škola dukh tumare čhavoreske vaš oda, hoj hin romano čhavoro/romaňi čhajori u e učiťeľi oleha ňič na keren?
- Skaržinďan tumen le rjaditeliske pre kada, co kerel o tredno učitelis abo trjedno učiteľka, ale o rjaditelis/e rjaditeľka na kontrolinďa kada u na kerďa ňič?
- Sikhl'ol tumaro čhavoro jekhetane avre romane čhavorenca andro aver kher abo andro aver kotor la školatar sar gadžikane raklore?
- Diňan tumen andre skaržišagos pre škoľa paš o Čechiko školsko inspekcia, ale e inspekcija na avľa andre škola, na vakerelas aňi le učiťeľenca ani tumenca u zaphandľa e veca oleha, hoj la škola hin čačipen?



HA? Pal'is hin kada diskriminačno keriben, so jon kerde tumenca. Kajso keriben hin zaphendo u kampel pes te braňinel olestar.

O učiteli the e učitelki, rjaditeli the rjaditelki the aver džene, so keren buti andre školi, našti troman pes te likerel ke tumare čhavore avreder ča vaš oda, hoj tumare čhavore hine Roma. Kada perel vaš savore školi: dajengere školi, zakladna, maškarutne, učeder odborna the uče školi.



Kana mušinel e škola te lel tumare čhavores?

E škola, so hin nekhpašerer tumare trvalone bešibnastar, mušinel tumare čhavores te lel. Vaš savi obecno škola hin predpisimen - sar pes phenel - spádová oblast - kada hine o ulici andro pašalipen la školatar, khatar save e škola mušinel le čhavoren te lel. Kada hin vašoda, kaj le čhavoren te hin zaačhado than pašes lengere bešibnastar u kaj te na mušinen sako dives dur te džal.

O zapisi andro zakladna školi ačhen le 1. dži 30. aprilis. Sako škola rozginel peske korkori, kana hin lakero datumos vaš o zapisos. Phučen pre kada, savi škola hin vaš tumenge spadovo u andre savo dives ačhel o zapisos, andre škola, pro foroskero abo gaveskero urados (mangen le dženes, so kerel buťi pro školsko odboros), abo mangen godi andre arganizacija, so tumen laha keren buťi jekhetane. Tumen šaj tiž arakhen e informacija pre la školakere internetova seri.

Te tumen kamen te přihlašinen tumare čhavores andre škola, so hin dureder, kadi škola šaj tumen odphenel. Kada hin vašoda, hoj la škola mušinel te jel thana vaš o čhavore andal lakeri spadovo oblast, vaš o čhavore, so bešen pašes. Ale aňi andre ajso pripados našti o rjaditelis abo e rjaditelika pes likerel inakšeder kijo romane čhavore sar kijo gadžikane raklore.

E škola šaj tumen dophenel odthoviben, kaj tumaro čhavoro te na džal kada berš andre škoľa, aľe ča aver berš. Te pes kada ačhel, kampel te džal andre padagogicko-psichologicko poradňa the kijo čhavorikano doktoris. Jon posudzinena, či tumaro čhavoro hino zralo vaš e škola abo na.

O jekhpaluno lav hin al'e sajekh tumen. Kana tumen na suhlasinen le odkladoha, mušinel e škola tumare čhavores te lel.



Ara! Neves mušinen o čhavore, so hine phurerer sar 5 berš, te phirel andre školka.

## O čhavoro, so dži agor le školnone beršeske (septembris) doresel 5 berš, mušinel te džal andre školka.

O sikhadipen andre školka hin bipotibnaskero. Vaš sako obecno školka existinel spádovo oblast. E školka mušinel te lel le čhavoren, so lenge hin, abo sig ela, 5 berš.

O zapisi andre zakladno školi ačhen le 2. dži 16. majos. Sako školka rozginel peske, kana hin lakero datumos vaš o zapisos. Phučen pre kada, savi školka hin vaš tumenge spadovo u andre savo dives ačhel o zapisos, andre školka, pro foroskero abo gaveskero urados (mangen le dženes, so kerel buťi pre škoľsko odboros), abo mangen godi andre arganizacija, so tumen laha keren buťi jekhetane. Tumen šaj tiž arakhel e informacija pre la školakere internetova seri.



# Hine diloskere chabena andre škola the školka bipotibnaskere?

Varesave školki the školi den palodileskere chabena hjaba. Kada džal pal thaneskere podmienki. Phučen direkt andre školka abo škola, kaj tumaro čhavoro phirela. Mangen godi la organizacija, so laha tumen san andro kontaktos.



So te kerel, te o rjad'itel'is abo e rjad'itel'ka na kamen tumare čhavores te lel?

Bari veca hin, kaj tumen te na mukhen tumen te odtradel mujeha. Mangen, kaj o rjaditelis tumen te del pisimen rozgiňipen, hoj jov le čhavores na lel u soske.

Te jov tumen o rozgiňipen na dela, bičhaven tumen e prihlaška **inke** pre la školakero atresis **doporučenone l'ileha.** Garuven peske o doklados, hoj tumen kada l'il bičhad'an. Te jon tumen na bičhavena odpheniben dži 30 d'ives, pisinen tumen pro krajsko urados u phukaven, hoj e škola abo školka nič na kerel. Prithoven e kopija la prihlaškatar u o doklados, hoj tumen e prihlaška bičhad'an.

Leperen, hoj kana tumen na suhlasinen oleha, sar o rjaditelis rozginda, tumen šaj pes mindig odvičinel. Ara! O odvičiňiben (odvolání) kampel te doručinel le rjaditeliske najnasigeder 15 dives le povodnone rozgiňipnastar. Pal o odvičiňiben rozginel o krajsko urados.

Kada perel pro pripadi, kana tumen prihlašinel andre škola le čhavores, so džal andro peršo trjeda, al'e tiž, kana tumaro čhavoro prebešel pre aver škola.



Šaj vareko džal tumenca, odprevadzinel tumen pro vakeriben andre škola?

Ha. Avelas bi lačho, te kada manuš hin vareko, so leske tumen paťan. Kada šaj jel vareko tumara familijatar abo varesavo dženo abo varesavi džeňi, so kerel buťi andre neziskovo organizacija. Kada dženo/džeňi šaj dosvečinel, sar o vakeriben andre škola pregejľa.



Užaren tumen, hoj o vakeriben andre škola na ela lačho?

Pripravinen pes tumen pro vakeriben anglal. Na daran tumen pes te zaačhel vaš tumare čhavore. Na mukhen tumen pes te tradel andro kutos. **Leperen, hoj tumen kamen ča jekh: kvalitno, lačho sikhadipen vaš tumaro čhavoro.** Dolikeren tumen šilalo šero. Sikhaven lenge, hoj o Roma džanen pes te likeren pativales, ale na domukhen, kaj jon thoven tele tumari pativ.

Tumen šaj chuden opre o vakeriben le rjaditeliha abo la rjaditelikaha pro magnetofonos abo mobil u chasňaren kada, kaj te dokazinel, hoj jov abo joj pes **l'ikerel diskriminačnones.** Ara! Tumen šaj keren o oprechudňipen ča andre škola, kana o rjaditelis abo e rjaditelika tumenca vakerel pal kada, či te lel abo te na lel tumare čhavores. Nane sabadno te chudel opre leskero/lakero osobno vakeriben le kamaratenca andre karčma.



Kaj šaj tumen arakhen pomoca, kana jon tumare čhavoren na lena?

Tumen šaj pes visaren pre **Čechiko školno inspekcija.** Bičhaven abo anen lenge le rjaditeliskero abo la rjaditelkakero rozgiňipen, hoj tumare čhavores na ila the o podino odvičiňiben. O inspektorati la Čechikona školskona inspekcijatar bešen andre krajska fori. O atresis jon tumenge pomožinena pre gaveskero abo foroskero urados abo andre orgaňizacija, sol tumenge pomožinel aver vecenca.

Te o Čechiko školsko inspkcija tumenge na pomožinela, visaren pes takoj pro ombudsmanos, kada hin veřejný ochránce práv, o dženo ab džeňi, so zaačhol o čačipena vaš o manuša. Tumen arakhena o kontakti pro agor ale lileske.



#### So mek šaj jel diksriminacija?

Diskriminacija hiňi e situacija, kana jon tumen phenas na kamen te obslužinel andre karčma abo andre sklepa vaš oda, hoj tumen san Rom abo Romňi, na kamen tumen vaš oda te lel andre buťi, te sasťaren tumen kijo doktoris, te prenajminel tumenge o kher, aľe tiž, kana jon na kamen te lel tumaro čhavoro andre škola. Hin mišto te phuterel takoj pale o muj angle kajso keriben, bo pal o čačipen mušinen savoradženen te jel phuterdo drom kijo ciňiben andre sklepa, kijo buťi, kijo bešiben, kijo sasťipnaskero parvariben, the tiž kijo sikhaďipen.



Cerpindan tumen diskriminacijatar u kamen tumen pes te ratinen angle kada? Hin tumen problemi u andro urados tumenge na pomožinde?

Telefoňinen abo pisinen amenge. Amen tumen daha godi. Amari pomoca hiňi bipoťibnaskeri.



Veřejný ochránce práv, Údolní 39, 602 Brno informačno linka: +420 542 542 888 telefonos (maškarutno): +420 542 542 111 e-mail: podatelna@ochrance.cz www.ochrance.cz www.facebook.com/verejny.ochrance.prav www.twitter.com/ochranceprav